



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.21. Judæi convertuntur.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

Sæculum VI. est conversus, nec ideo S. Gregorius
A.C. 592. micitiæ ejus renunciavit. (*)

§. XXI.

Judæi convertuntur.

I. ep. 3. 4. Sub idem tempus anno 591. quidam
 Judæus, cui nomen Joseph, ad S. Gregorium querelam attulit contra Petrum
 Episcopum Terracinensem, quod, cum
 Judæos ex uno loco, in quo congregari
 solebant, ejecisset, & licentiam dedisset,
 ut in alio congregarentur, jam etiam ex
 isto pellere niteretur. *Si ita est*, inquit
 S. Gregorius, ad Episcopum istum scri-
 bens, *volumus, ut conquerendi causam
 tollas; quippe Infideles mansuetudine,
 benignitate, hortatu ad Religionem Christi-
 anam attrahendi sunt, non autem mi-
 nis & terrore arcendi.*

Anno 598. Judæi Calaritani ex ur-
 be, Sardinia Metropoli, Romam vene-
 runt querentes, quod aliquis eorum, cui
 nomen Petrus, suscepta Christiana Re-
 ligione, altera post Baptismum die (id
 est Die Paschæ) perditorum hominum
 turba stipatus, eorum Synagogam vi
 occupasset, & illuc Imaginem S. Virgi-
 nis,

(*) Ex hoc exemplo patet, necdum illa æ-
 tate Monachos ad Sæculum redeuntes auxilio
 brachii Sæcularis ad stabilitatem fuisse compul-
 sos.

nis, Crucem, & vestem candidam, quam in Baptismo acceperat, intulisset. S. Gregorius datis ad Januarium Episcopum Calaritanum litteris laudat eundem, quod vi acta non approbasset, & hortatur, ut Imagine & Cruce, ea tamen qua par est reverentia, ablatis omnia in statum priorem restituat, & addit: *Sicut enim Legibus cautum est, ne Judæi novas Synagogas ædificent, ita etiam per easdem Leges licet ipsis veteres quiete possidere. Ea moderatione cum ipsis agamus, ut invitantes nos lubenter audiant, sed invitandi non sunt, cum scriptum sit: Voluntarie sacrificabo tibi.*

In eodem spiritu lenitatis S. Gregorius ad Petrum Subdiaconum & Cyprianum Diaconum Patrimonii in Sicilia Rectores scripserat. *Relatum est mihi, inquit, in fundis nostris Judæos reperiri, qui converti nolunt. Volo, ut missis per omnes illos fundos Epistolis meo nomine Judæis promittatis, illis, qui se converterint, Pensionem esse minuendam, ita ut illi, qui pendit unum Solidum aureum, pars tertia remittatur, qui tres quatuorve pendit, uno minus imposterum solvat. Nec timendum est, ne ista redituum nostrorum diminutio nullam utilitatem Spiritualem referat, quamvis enim ipsorum non satis sincera esset conversio, liberi tamen eorum meliore fide baptizabuntur.*

Econtra

Sæculum VI.
A. C. 592.

VII. epist. 5.
ind. 2.

Psal. 53. 8.

XII. ep. 30.

IV. ep. 6.

Judæi.

Sæculum VI.

A. C. 592.

*II. ep. 37.
ind. II.*

Econtra S. Gregorius data ad Libertinum Siciliae Præfectum Epistola rogavit, ut reprimeret temeritatem ejudam Judæi, cui nomen Nasas, qui Prophetæ Eliæ Nomini ara erecta aliquos Christianos, ut illuc adoratum irent, seduxerat. Idem etiam mancipia Christiana, contemptis Legibus, emebat: nam data pecunia priorem Præfectum nomine Justinum corruerat, ut impunitus abiret.

I. ep. 45.

Anno primo, quo S. Gregorius S. Petri Sedem tenebat, aliqui Judæi Itali, quæ mercaturæ causa sæpiuscule Massiliam devehebantur, ad Pontificem querelas attulerunt, quod ibi Judæi magno numero non tam Prædicatione, quam re adhibita, baptizarentur. Hac super re S. Gregorius ad Virgilium Episcopum Arelatensem, & Theodorum Episcopum Massiliensem scripsit in hunc modum: *Laudo intentionem vestram; verum quia ea in Scriptura fundetur, timeo, ne his ipsis, quos adjutos vultis, noceat, & si necessitate magis quam voluntate ad Baptisma accesserint, deinde graviore lapsu ad pristinam superstitionem redeant. Prostat itaque illos fidem edocere, & Jesum Christum prædicare, ut erudiantur & vere convertantur.*